





長樂郡  
振錄西  
詩苑

六朝詩彙卷之九十一

陳詩

江撫

永陽王齋後山亭

四言銘

淡泉

頤山

叢臺造日溜館連雲錦墻列繪繡地成文  
吾王卓爾

逸趣不群梅梁蕙閣桂棟蘭粉竹深益雨石暗迎曛

激流疑䟽構峯似削苔滑危磴藤攀聳樹影搖窻

池光動幕日澄遙淑風清近壑雪岸難消花園易落

高桐百尺垂楊五株開榮九畹結秀三珠山條紫的



水葉紅鬚抽芳繞雷接翠分衢亭謹旅鶴浦噪驚鳧  
前列枚馬後招郇伯諷誦楚詩精微沛易叢桂留賞  
散金匪惜不羨睢陽還嗤碣石馳聲終古服義無斁

詠雙闕

五言

象闕連馳道月宇照方疏刻鳳樓清漢圖龍入紫虛  
屢逢膏露灑幾遇祥煙初競言百尺麗寧方萬丈餘

侍宴玄武觀

詰曉三春暮新雨百花朝星宮移渡漢天駟動行鑣  
旒轉蒼龍闕塵飛飲馬橋翠觀迎斜照丹樓望落潮

聲雲裏出樹影浪中搖歌吟奉天詠未必待聞韶

秋日侍宴婁湖苑應詔

翠渚還鑾輅瑤池命羽觴千門響雲蹕四澤動榮光  
玉軸昆池浪金丹太液張紅旗照島嶼鳳蓋繞林塘  
野靜重陰濶淮秋水氣涼霧開樓闕近日迥煙波長  
洛宴諒斯在鎬飲詎能方村劣叨榮遇簪笏奉周行

臨芳殿侍宴

鍾箭且徘徊皇堂薦羽杯橋平疑水落石迥見山開  
林前暝色靜花處近香來西崕傷撫夕北閣濫游陪



侍宴瑤泉殿

水亭通朽詣石路接堂皇  
野花不識采旅竹本無行  
雀驚疑欲曙蟬噪似含涼  
何言金殿側亟奉瑤池觴  
宴樂修堂應令

肅城通甲觀承華啟畫堂  
北宮降恩賞西園度羽觴  
殊私奉玉裕終宴在金房  
庭暉連樹采簷影接雲光  
仙如伊水駕樂似洞庭張  
彈絲命琴瑟吹竹動笙簧  
庸踈濫應阮哀朽慙建章

內殿賦新詩

七言

兔影脉脉照金鋪  
虬水滴滴瀉玉壺  
綺翼雕甍邇清漢  
虹梁紫柱麗黃圖  
風高暗綠凋殘柳  
雨駛芳紅濕晚芙  
三五二八佳年少  
百萬千金買歌笑  
偏著故人織素詩  
願奏秦聲採蓮調  
織女今夕渡銀河  
當見新秋停玉梭

詠採甘露應詔

祥露曉氛氲上林朝  
晃朗千行珠樹出  
萬葉瓊枝長徐綸  
動仙駕清晏留神賞  
丹水波濤泛黃山  
煙霧上風亭翠旆開  
雲殿朱絃響徒知恩  
禮洽自憐名實爽



春日

水苔宜溜色山櫻助落暉浴鳥沉還戲飄花度不歸  
洗沐唯五日棲遲在一丘古槎橫近澗危石聳前洲  
岸綠開河柳池紅照海榴野花寧待晦山蟲詎識秋  
人生復能幾夜燭非長游

山亭春日

春夜山

春夜芳時晚幽庭野氣深山疑刻削意樹接縱橫陰  
戶對忘憂草池驚旅浴禽樽中良得性物外知余作

沁心

三日侍宣猷堂曲水宴

上巳娛春禊芳辰喜月離北宮命蕭鼓南館列旌麾  
繡桂擎飛閣雕軒傍曲池醉魚沉遠岫浮棗漾清漪  
落花懸度影飛絲不礙枝樹動丹樓出山斜翠磴危  
禮周羽爵遍樂闕光影移

夏日還山庭

獨於幽栖地山庭暗女蘿澗漬長氏篠池開半卷荷  
野花朝暮落盤根歲月多停樽無賞慰得鳥自經過



七夕

漢曲天榆冷河邊月桂秋  
婉孌期今夕飄颻渡淺流  
輪隨列宿轉路逐綵雲浮  
橫波翻瀉淚束素反緘愁  
此時機杼息獨向紅粧羞

秋日登廣州城南樓

秋城韻晚笛危榭引清風  
遠氣疑埋劍驚禽似避弓  
海樹一邊出山雲四面通  
野火初烟細新月半輪空  
塞外離群客顏鬢早如蓬  
徒懷建業水復想洛陽宮  
不及孤飛鴈獨在上林中

衡州九日

秋日正淒淒茅茨復蕭瑟  
姬人薦初醞幼子問殘疾  
園菊抱黃花庭榴剖珠寶  
聊以著書情暫遣他鄉日

長安九日

心逐南雲去身隨北馬來  
故園籬下菊今日幾花開

雨雪曲

雨雪隔榆溪從軍度隴西  
遶陣看狐迹依山見馬蹄  
天寒旗彩壞地暗鼓聲低  
漫漫愁寒起蒼蒼別路迷

關山月



兔月半輪明孤關一路平無期從此別復欲幾年行  
暎光書漢奏分影照胡兵流落今如此長戍受降城

簫史曲

弄玉秦家女簫史仙處童來時兔月照去後鳳樓空  
密笑開還歛浮聲咽更通相期紅粉色飛向紫烟中

橫吹曲

簫聲鳳臺曲洞吹龍鍾管鏗鎔漁陽按怨仰胡笳斷

劉生

劉生負意氣長嘯且徘徊高論明秋水命賞陟春臺

干戈凋儻用筆硯縱橫才置驛無年限遊俠四方來

長安道

翠蓋乘承露金羈照落暉五侯新拜罷七貴早朝歸  
轟轟紫陌上藹藹紅塵飛日暮延平客風花拂舞衣

洛陽道

小平路四達長秋聽五鍾玉節迎司隸錦車歸濯龍  
弦歌聲不息環珮響相從花障蕩舟笑日映下山逢

又

德陽穿洛水伊闕通河橋僊舟李膺棹小馬王戎鑣



杏堂歌吹合槐路風塵饒綠珠含淚舞孫秀彊相邀  
隴頭水

隴頭萬里外天崖四面絕人將蓬共轉水與啼俱咽  
驚湍自湧沸古樹多摧折傳聞博望候苦辛提漢節

又

霧暗山中日風驚隴上秋徒傷幽咽響不見東西流  
無期從此別更度幾年幽遙聞玉關道望入香悠悠

雉子班

麥壠新秋來澤雉屢徘徊依花似恻姬拂草乍驚媒

三春桃照李二月柳爭梅暫住如臯路當令巧笑開

烏栖曲

七言

桃李春水木蘭橈金羈翠毛聚河橋隴西上計應行  
去城南美人啼著曙

紫驕馬

春草正萋萋蕩婦出穴閨識是東方騎猶帶北風嘶  
揚鞭柳市細蹠上金堤願君憐織素殘妝尚有啼

驄馬驅

長城兵氣寒飲馬詎爲難暫解青絲轡行歇鏤衢鞍



白登圍轉急黃河凍不乾萬里朝飛電論巧易走丸  
折楊柳

萬里音塵絕千條楊柳結不悟娼園花逞同天嶺雪  
春心自浩蕩春樹聊攀折共此依依情無柰年年別

梅花落

標色動風香羅生枝已長妖姬墜馬髻未插江南璫  
轉袖花紛落春衣共有芳羞作秋胡婦獨采城南桑

又

胡地少春來三年驚落梅偏疑粉蝶散乍似雪花開

可憐香氣歇可惜風相催金鏡且莫韻玉笛幸徘徊  
攝山棲霞寺山房夜坐簡徐祭酒周尚書  
澡身事珠戒非是學金丹月澄時橫枕雲崖宿解鞍  
梵宇調心易禪庭數息歎石澗水流靜山窻葉去寒  
君思北闕駕我惜東都冠翻然夜鍾盡同志不盤桓

樂門頌

端襟測煩海矯步寫埃氛三受猶絕雨八苦若浮雲  
輸心仰圓極罄質委方墳朝游淨國侶暮集靈山群  
燈祇開遠照香宇薦嘉薰俛首睇人俗信矣靜爲君



斷疑頌

生塗非一理識緒固饒津徒駭東陵富空嗟北郭貧  
國生魯已疾顏氏信爲仁逢尤昭往業習善會茲身  
勤憂永夷泰晏安終苦辛令名且云重豈若樹良因

極大頌

冬狐狸豐毳春蠶緒輕綵形骸翻爲阻心識還自欺  
華容羈卅日生平少年時驅車追俠客酌酒弄妖姬  
但念目前好安知身後悲惕然一以愧永與情愛辭

戒門頌

金山巖寶仞瓊琬列瑤莢墻狐議不窟檐燕豈能栖  
淨花莊思序慧沼盥身倪六群倘未一七衆固恒齊  
端儀有直景正道無傾蹊維宮超以悟襄野竟何迷

新頌 七言

春非我春秋非秋一經長夜每悠悠陶形練氣住元  
造啓蒙夷阻出重幽榮公三樂非爲曠箕生五福豈  
能求靈姿妙境往難集微言至道此云修年逢生幸  
曾以慶盈愆貳過倘知憂畢故斷新別苦海希賢庶  
善憑智流



發願頌

心所期兮彼之岸何事浮俗久淹道照慧日兮駕法  
雲騰危城兮出塵館芳珠燁兮聞歲時寶樹颺兮驚  
昏且清露搏甘永以挹喜園流采常爲玩無待殷鼎  
方丈羞安用秦箏織指彈勤誠歎願長不渝習苦塵  
勞從此捍

遊栖霞寺

霖霖新雨霽清和孟夏肇栖宿綠野中登頓丹霞杪  
敬仰高人德抗志塵物表三空豁已悟萬有一何小

始從情所寄冥期諒不少荷衣步林泉麥氣涼昏曉  
乘風面冷冷候月臨皎皎煙崖憇古石雲路排征鳥  
披逕憐森沉攀條驚杳裊平生忘是非朽謝豈矜矯  
五淨自此生六塵庶無擾

再遊栖霞寺言志

靜心抱冰雪暮齒迫桑榆太息波川迅悲哉人世拘  
歲聿皆採獲冬晚具嚴枯濯流濟八水開襟入四衢  
茲山靈妙合當與天地俱石瀨乍深淺崖煙遞有無  
缺碑橫古隧盤木卧荒途行行徭履歷步步轉威紆



高僧迹共遠勝地心相符樵隱各有得丹青獨不渝  
遺風佇芳桂比德喻生芻寄言長往客悽然傷鄙夫

明慶寺

十五詩書日六十軒冕年名山極歷覽勝地殊留連  
幽巖聳絕壁洞穴瀉飛泉金河知證果石室仍安禪  
市朝霑草露淮海作桑田夜梵聞三界朝香徹九天  
仙階步皎月澗戶聽涼蟬何言望鍾嶺更復切秦川

入龍丘巖精舍

法堂猶集鴈仙行幾成龍聊承丹桂馥遠視白雲峯

風窻穿石竇月牖拂霜松暗谷留征鳥空林徹夜鐘  
陰崖未辨色疊樹豈知重溘此哀時命吁嗟世不容  
無由訪詹尹何去復何從

虎窟山寺

塵中喧慮積物外衆情捐茲地信爽塏墟壠暖芊綿  
藹藹車徒邁飄飄旌旆懸細松斜遠徑峻嶺半藏天  
古樹無枝葉芳郊多野烟分花出黃鳥挂石下新泉  
蒼鬱均雙樹清虛類八禪栖神紫臺上縱意白雲邊  
徒然嗟小藥何由齊大年



經始興廣果寺題愷法師山房

息舟候香阜悵別往寒林竹近交枝亂山長絕逕深  
輕枝入定影落照有踈陰不見投雲狀空留折桂心

遠遊廬山觀道士石室

蒙茸衆山裏往來行迹稀尋嶺達仙居道士披雲歸  
似著周時冠狀披漢時衣安知世代積服古人不衰  
得我宿昔情知我道無爲

卜山楚廟

蘋藻祈明德倚禱息巖阿忽聽鳥鳴曙非復楚宮歌

間階薙宿莽古木斷懸蘿帷堂寂易晚桴鼓自相和  
感祀流百世英威言幾何

攝官梁小廟

疇昔遊衣所今日薦櫻時憲章誠有革歲月遂難思  
故人獨之子官聯更在茲虛簷靜暮雀洞戶映光絲  
平生復能幾語事必傷悲



六朝詩彙卷之九十一

六朝詩彙卷之九十二

陳詩

江總

詠燕燕子飛應詔

二月春暉暉雙燕理毛衣  
銜花弄薔靡拂葉隱芳菲  
或在堂間戲多從幕上飛  
若作仙人履終向日南歸  
賦得汎汎水中鳧

歸鳧拂卉同亂下方塘中  
出沒時銜藻飛鳴忽颺風  
浮深或不息戲廣若乘空  
春鷁徒有賦還笑在金籠



賦一日成三賦應令

副君睿賞道清夜北園遊下筆成三賦傳觴對九秋  
飛文綺縠采落紙波濤流樹密寒蟬響簷暗雀聲愁  
綠淑明層殿青山照近樓此時盛禮物顧省良若抽  
賦得携手上河梁應詔

早秋天氣涼分手關山長雲愁數處黑木落幾枝黃  
鳥歸猶識路流去不知鄉秦川心斷絕何悟是河梁  
賦得三五明月滿

三五兔輝成浮陰冷復輕隻輪非戰友團扇少歌聲

雲前來往色水上動搖明况復高樓照何嗟攬不盈

賦得謁帝承明廬

霧開仁壽殿雲曉承明廬輪停紺幟引馬度紅塵餘  
香貂拜黻袞花綬拂玄除謁帝升清漢何殊入紫虛

置酒高殿上

三清傳旨酒栢梁奉歡宴霜雲動玉葉凍水踈金箭  
羽籥響鍾石流泉灌金殿盛時不再得光景馳如電

今日樂相樂

綺殿文雅道玳筵歡趣密鄭熊逶迤舞齊弦窈窕瑟





原件短缺

P3-P4



金疊送縹觴玉井沈朱實願此北堂宴長奉南山日  
南飛鳥鵲北飛鴻弄玉蘭香時會同誰家可憐出牕  
牖春心百媚勝楊柳銀牀金屋掛流蘇寶鏡玉釵橫  
珊瑚年時二八新紅臉宜笑宜歌羞更斂風花一去  
杳不歸祇爲無雙惜舞衣

東飛伯勞歌

七言

芳樹

朝霞映日殊未妍珊瑚照水定非鮮千葉芙蓉詎相  
似百枝燈花復羞然暫欲寄根對滄海大願移華側  
又  
新梅嬾柳未障羞情去思移那可留團扇篋中言不  
分纖腰掌上詎勝愁

新寵美人應令

後宮唯聞莫瓊樹絕世復有宋容華皆自爭名進女  
弟定覺雙飛勝蕩家願並迎春比翼燕長作照日同  
心花聞道艷歌時易調忖許新恩那久要翠眉未畫  
自生愁玉臉含啼還似笑角枕千嬌薦芬香若使琴  
心一曲奏幽蘭度曲不可終陽臺夢裏自應通秋樹



相思一枝綠爲插賤妾兩鬟中  
洛浦流風漾淇水秦樓初日度陽臺玉軼輕輪五香  
散金燈夜火百花開非是妖姬渡江日定言神女隔  
河來來時向月別嫦娥別時清吹悲簫史數錢拾翠  
爭佳麗拂紅點黛何相似本持纖腰惑楚宮暫迴鸞  
袖驚吳市新人羽帳掛流蘇故人網戶織蜘蛛梅花  
柳色春難遍情來春去在須臾不用庭中賦綠草但  
願思着弄明珠

詒孔中丞魚

我行五嶺表辭卿二十年聞鸞欲動脉披霧即依然  
疇昔同寮案今隨年代改借問藏書處唯君故人在  
故人名宦高清真簡肅權豪誰知懷九歎徒然泣二毛  
步出東郊望心遊江海上遇物辯古今何爲不惆悵  
初情原野開宿雨潤條枚叢花曙後發一鳥霧中來  
淹留蘭蕙苑吟嘯芳菲晚忘懷靜躁間自覺風塵遠  
白社聊可依青山乍採薇鍾茅乃得性語默豈同歸

贈賀左丞蕭舍人



輜軒通八表旌節驚三秦聽歌酬敏對繼好佇行人  
賀生思沈鬱蕭弟學紛紜共有筆端譽皆爲席上珍  
離群徒悄悄征旅日駢駢黃河分太史一曲悲千里  
海內平生親中朝流寓士痛哉憫梁祚於焉三十祀  
鍾儀繫不歸盛憲悲何已隴頭心斷絕爾爲叅生死  
回首望長安猶如蜀道難函關分地軸華岳接天壇  
行旌方境近去掉艤江干蘆花霜外白楓葉水前丹  
翔鷗方怯凍落鴈不勝彈輝輝盛王道時務嬰疲老  
九流倦耳目十年變懷抱何以敦岐路淒然綴辭藻

江南有桂枝塞北無菅草斗酒未爲別垂堂深自保

方境近一作方鏡遊

贈別袁洗馬朗

賈誼登朝日終軍對秦年校文升廣內撫劍入崇賢  
竒才殊艷逸將別愛留連驅車命饒管拱坐面林泉  
池寒稍下鴈木落久無蟬霧侵山上月霜開石路烟  
高談無與慰遲爾報華篇

遇長安使寄裴尚書

傳聞合浦葉遠向洛陽飛北風尚嘶馬南冠獨不歸



去雲人一作目徒送離琴手自揮秋蓬失處所春草屢  
芳菲太息關山月風塵客子衣

別袁昌州二首

客子歎途窮此別異西東關山嗟墜葉岐路憫征蓬  
別鶴聲聲遠愁雲處處同

賈肅又

河梁望隴頭分手路悠悠徂年驚若電別日欲成秋  
黃鵠飛飛遠青山去去愁不言雲雨散更似東西流

別賓化侯

石關通越井蒲澗迺靈州此地何遼夙群英逐遠遊  
高才素彥伯令譽許文休悠焉值君子復此映芳猷  
嶠函多險澁星瑄壯環周分歧泣世道念別傷邊秋  
斷山時急霧平海若無流驚鷺一群起哀猿數處愁  
是日送歸客為情自可求終謝能鳴鴈還同不繫舟  
其如江海泣惆悵徒離憂

傷顧野王

獨酌一樽酒高詠七哀詩何言蒿里別非復竹林期  
階荒鄭公草戶闔董生帷人隨朝槿落客共晚鷺悲



年髮兩如此傷心詎幾時

和張記室源傷往

少婦當壚夜夫婿凱師年正歌千里曲翻入九重泉  
機中未斷素琴上本留絃空帳臨窓掩孤燈向壁燃  
還悲寒龍樹松短未生煙

奉和東宮經過故妃舊殿

故殿看看冷空階步步悲猶憶窺窻處還如解佩時  
苔生無意早燕入有言遲若令歸就月照見不須疑

和衡陽王殿下高樓看妓

起樓侵碧漢初日照紅粧弦心艷卓女曲語動周郎  
並歌時轉黛息舞暫分香掛纓銀燭下莫笑玉釵長

借劉太常說文

劉荼慕子雲許慎詢景伯碩學該蟲篆奇文秀鳥迹  
曰余徒下帷待問垂重席不詣王充市聊投班玩籍  
三寫徧鑽研六書多補益幽居服藥餌山宇生虛白  
留連嗣芳社曠蕩依泉石夫君愛蒲堂願言馳下澤

詠琴

可憐嶧陽木雕爲綠綺琴田文垂睫淚卓女弄絃心



戲鶴聞應舞游魚聽不沉楚妃幸勿歎此異丘中吟

秋日遊昆明池

玄一作靈

沼蕭條望遊人意緒多終南雲影落渭北雨  
聲過蟬噪金堤柳鷺飲石鯨波珠來照似月織處瀉  
成河詎知臨水歎非復採蓮歌

并州羊腸坂

三春別帝鄉五月度羊腸本畏車輪折翻嗟馬骨傷  
驚風起朔鴈落照盡胡桑關山定何許徒御慘悲涼  
歲暮還宅

悵然想泉石駢駕出城臺翫竹春前筍驚花雪後  
青山殊可對黃卷復時開長繩豈繫日濁酒傾一杯

南還尋草市宅

紅顏辭鞏落白首入輶轅乘春還故里徐步採芳蓀  
徑毀悲求仲林殘憶巨源見桐猶識井看柳尚知門  
花落空難遍鶯啼靜易喧無人訪語默何處叙寒溫  
百年獨如此傷心豈復論

詠李

嘉樹春風早春風花落新但見成蹊處幾得正冠人



當知露井側復與天桃隣

木槿

啼粧梁冀婦長蛾衛女家若持花共笑宜笑不宜花  
趙女垂金珥燕姬插寶珈誰知紅槿艷無因寄狹邪  
徒令萬里道攀折自咨嗟

雜曲 三首

行行春徑蘼蕪綠織素那復解琴心乍愜南階悲綠  
草誰堪東陌怨黃金紅顏素月俱三五夫婿何在今  
追虜關山隴月春雪冰誰見人啼花照戶

其二

殿內一處起金房併勝餘人白玉堂珊瑚掛鏡臨網  
戶芙蓉作帳照雕梁房櫳宛轉垂翠幕佳麗逶迤隱  
珠箔風前花管颺難留舞處花鈿低不落陽臺通夢  
太非真洛浦凌波復不新曲中唯聞張女曲定有同  
姓可憐人但願私情賜斜領不願旁人相比並妾門  
逢春自可榮君面未秋何意冷

其三

泰山言應可轉移新寵不信更參差合權錦帶駕鸞



鳥同心綺袖連理枝皎皎新秋明月開  
白露飛螢暗裏來鯨燈落花殊未盡  
虬水銀箭莫相催非是神女期河漢  
別有仙姬入吹臺未眠解着同心結  
欲醉那堪連理杯後宮不愜茱萸芳  
夜夜爭開蘇合房寶釵翠鬢還相似  
朱脣玉面非一行新人未語言如澁  
新寵無前判不減願奉更衣蘭麝氣  
恐君馬到自驚香

宛轉歌

七夕天河白露明八月濤水秋風驚  
樓中怕聞哀響曲塘上復有辛苦行  
不解何意悲秋氣直置無秋悲

自生不怨前階促織鳴偏愁別路擣  
衣聲別燕差池自有返離蟬寂寞詎  
含情雲聚懷情四望臺月冷相思九  
重觀欲題芍藥詩不成來採芙蓉花已  
散金樽送曲韓娥起玉柱調弦楚妃歎  
翠眉結恨不復開寶鬢迎秋度前亂  
湘妃拭淚灑貞筠箴藥浣衣何處人  
步步香飛金薄履盈盈扇掩珊瑚唇  
已言採桑期陌上復能解珮就江濱  
競入華堂耍花枕爭開羽帳奉華茵  
不惜眼前憐借約欲許便作後來新  
後來瞋瞋同玉床可憐顏色無比方  
誰能巧笑特窺井乍取新



聲學繞梁宿處留嬌墮黃珥鏡前含笑弄明璫採施  
摘心心不盡茱萸折葉惹更芳已聞能歌洞簫賦詎  
是故愛邯鄲娼

長相思 雜體

長相思久離別征夫去遠琴音滅湘水深隴頭咽紅  
羅斗帳裏綠綺清弦絕羨迤百尺樓愁思三秋結

又

長相思久別離春風送燕入簷窺暗開脂粉弄花枝  
紅樓千愁色玉筍兩行垂心心不相照望望何由知

六朝詩彙卷之九十二



六朝詩彙卷之九十三

陳詩

張正見

新雲

西北春雲起遙臨  
偃蓋松根危纔吐  
葉氣淺未成峯  
風前飛未斷日處影疑重  
體輕無五色詎是得從龍

梅林輕雨

梅樹耿長虹芳林散輕雨  
蜀郡隨仙去陽臺帶雲聚  
飄花更濯枝潤石還侵柱  
詎得零陵燕隨風時共舞



春初賦得池應教

遙天收密雨高閣映奔曦雪盡青山路冰消綠水池

春光落雲

一作

葉花影發晴枝

一作花色

琴樽奉終

宴風月豈云疲

一作起

和衡陽王秋夜作

睢苑涼風舉章臺雲氣收螢光連燭動月影帶河流  
綠綺朱弦汎黃花素蟻浮高軒揚麗藻即是賦新秋

應衡陽王教詠雪

九冬飄遠雪六出表豐年睢陽生玉樹雲夢起瓊田

入窻輕落粉拂柳駛飛絲欲動淮南賦亂下桂花前

帝王所居篇

嶠函維帝宅宛維壯皇居紫微臨複道丹水亘通渠  
沉沉飛雨殿藹藹承明廬兩宮分禦日雙闕並凌虛  
休氣充青瑣榮光入綺疏霞明仁壽鏡日照凌雲書  
鳴鸞背鳩鵲詔蹕幸儲胥長揚飛玉輦御宿徙金輿  
柳葉飄緹綺槐花影屬車薄暮歸長樂歌鍾滿玉除  
重陽殿成金石會竟上

周王興路寢漢后式一作甘泉共知崇壯麗迢遞與



雲連抗殿疏龍首峻陞激天泉東西跨更谷左右矚  
伊纏百常飛觀竦三休複道懸拱鳥遙造日擗虬遠  
駕烟雲棟疑飛雨風牕似望仙玉女臨芳鏡金璫映  
彩椽梅梁橫發葢藻井倒披蓮榮光開御宿佳氣屬  
祈年霜鴈排空斷寒光映日鮮負宸憑霄極台司列  
象躔登臺喧大夏御氣響鈞天北斗承三獻南風入  
五弦鸞歌鳩鵲右獸舞射熊前翔鷲仰不逮燕雀徒  
聯翩

侍宴

大君臨四表榮光普八埏區中文化洽海外武功宣  
鳳下書冊篆龜符著綠編昆明不習戰雲夢豈游畋  
軌文通萬國旌節靖三邊高秋貌始射睿想屬汾川  
兩宮明合璧雙闕帶霏煙揚鑾出城觀詔蹕指郊壘  
禁苑迴雕輦離宮建翠旃流水奔雷轂追風赴電鞭  
畫熊飄析羽金埒響膠弦鳴玉升文砌稱觴溢綺筵  
獸舞依鍾石鸞歌應管弦霞明黃鵠路風爽白雲天  
潦收河蓋折露重菊花鮮上林賓早鴈長楊唱晚蟬  
小臣慙藝業擊壤慕懷鉛康衢飛駛羽大海滴微涓



詠歌還集木舞蹈遂臨泉願薦南山壽朝朝奉萬年  
從籍田應衡陽王教五首

帝京惟赤縣神居應紫微塗山萬國仰滄海百川歸  
東郊事平秩仲月祀靈威含光開早扇閭闔啓朝扉

其二

洛城鐘漏息靈臺雲霧卷森森虎戟前靄靄鸞旂轉  
屬車遊絳闕風鳥度丹巘帳殿幸金輿旌門擁玉輦

其三

玉輦帶非煙金輿映綠川雨師清遠路風伯靜遙天

分渠通沃野激水入公田草發青壇外花飛蒼玉前

其四

蒼玉臨珪璧青壇躬帝籍冒楸乃三推齊衡均百辟  
蘭場儼芝駕桂圃芳瑤席山禽韻管弦野獸和鐘石

其五

鐘石既相和江海復無波梁客簪裾盛陳王文雅多  
脩塗參弱駘喬木間輕蘿幸承溫吹末擊壤自爲歌

和諸葛覽從軍遊獵

治兵耀武節縱獵駭畿封迅騎馳千里高且起百重



騰麤蹙馬足飢颺落劍鋒雲根飛燒火鳥道絕禽蹤  
方羅四海俊聊以習軍容

和陽侯送袁金紫葬

玄泉開隧道白日照佳城一朝嗟此路千載幾傷情  
秋氣悲松色淒風咽挽聲歸雲向谷晚還柳背山輕  
唯當三五夜壠月暫時明

征虜亭送新安王應令

鳳吹臨南浦神駕餞東平亭迴漳水乘旆轉洛濱笙  
地凍班輪響風嚴羽蓋輕燒田雲色暗古樹雪花明

岐路一回首流襟動虜情

別永新侯

一作江總詩

送君張掖郡分悲函谷關欲知腸斷絕浮雲去不還

別韋諒賦得江湖汎別舟

千里潯陽岸三翼木蘭舷鷁汎青鳧後雞鳴白鷺前  
涵花沒淺纜帶葉動深艫不言朝夕水獨自限神仙

傷常侍讀

英華作韋侍讀

懷經傳北海蘊義盛西河高峯落迴照逝水沒金波  
柳下悲風急山陽秋氣多宿草催書帶寒松脆女蘿



無復華陰市空餘蒿里歌

從永陽王遊虎丘山

滄波壯鬱島洛邑鎮崇芒未若茲山麗岩堯擅水鄉  
地靈侔少室塗艱像太行重巖標虎據九曲峻羊腸  
溜深澗無底風幽谷自涼寶沉餘玉氣劍隱絕星光  
白雲多異影丹桂有叢香遠看銀臺竦洞塔耀山莊  
瑞草生金地天花照石梁

陪衡陽王游耆闍寺

甘棠聽訟罷福宇試登臨  
苑移飛蓋王城列玳簪

堦荒猶累玉地古尚填金  
龍橋丹桂偃鸞嶺白雲深  
秋窻被旅葛夏戶響山禽  
清風吹麥壠細雨濯梅林

遊匡山簡寂館

三梁礪本絕千仞路猶通  
即此神仙內銀榜映仙宮  
鏡似臨峯月流如飲澗虹  
幽桂無斜影深松有勁風  
惟當遠人望知在白雲中

遊龍首城

開外山川閣城隅塵霧浮  
白雲疑絕嶺滄波間斷洲  
四面觀長薄千里眺平丘  
河津無桂樹樽酒自淹留



後湖泛舟

上苑奢行樂滄池聊薄遊汎荷分蘭榭沉槎觸桂舟  
殘虹收度雨缺岸上新流欲知有高趣長楊送麥秋  
與錢玄智汎舟

高門事休沐朝野恣逢迎還尋金谷水俱望洛陽城  
舟移津女渡楫動渭橋橫風高鴈已落雨霽水還清  
葉盡桐門淨花秋菊岸明欲奏江南曲聊習棹歌行  
行經季子廟

延州高讓遠傳芳世祀貽地絕遺金路松悲懸劍枝

野藤侵藻井山雨濕苔碑別有觀風處樂奏無人知

釣竿

結宇長江側垂釣廣川濶竹竿橫翡翠桂髓擲黃金  
人來水鳥沒檝渡岸花沉蓮搖見魚近綸盡覺潭深  
渭水終須卜滄浪徒自吟空嗟芳餌下獨見有貪心

劉生

劉生絕名價豪俠恣遊陪金門四姓聚繡轂五香來  
塵飛瑪瑙勒酒暎碑礫杯別有追遊夜秋窻向月開

明君詞



塞樹暗胡塵霜樓明漢月淚染上春衣憂變華年髮

白頭吟

平生懷直道松桂比真風語默妍媸際沉浮毀譽中  
諛新恩易盡情去寵難終彈珠金市側抵玉崑山東  
含香老顏駟執戟異楊雄惆悵催亭伯幽憂馮敬通  
王嬙沒故塞班女棄深宮春苔封履迹秋葉奪粧紅  
顏如花落槿鬢似雪飄蓬此時積一作長歎傷年誰  
復同

臨高臺

曾臺邇清漢出迥架重甍飛棟臨黃鶴高窻度白雲  
風前朱幌一作幔色霞處綺疎分此中多怨曲地遠詎  
能聞

銅雀臺

荒涼銅雀晚搖落墓田通雲慘當歌日松吟欲舞風  
人疏瑤席冷曲罷總惟空可惜年將淚俱盡望陵中

三婦豔

大婦織殘絲中婦妬蛾眉小婦獨無事歌罷詠新詩  
上客何須起爲待絕纓時



上之回

林光稱避暑回中乃吉行龍媒躡影駛玉輦御雲輕  
風鳥繞鳩鵲綵鷁照昆明欲知鍾箭遠遙聽寶雞聲  
胡關辛苦地雲路遠漫漫含冰踏馬足雜雨凍旗竿  
沙漠飛恒暗天山積轉寒無因避日團扇掩齊紉

關山月

巖間度月華流彩暎山斜暈逐連城壁輪隨出塞車  
唐虞遙合影秦桂遠分花欲念盈虛理方知道路賒

度關山

關山度曉月劍客遠從征雲中出迥陣天外落奇兵  
輪摧偃去節樹倒礙懸旌沙揚折坂暗雲積榆溪明  
馬倦時銜草人疲屢看城寒隴胡笳游空林漢鼓鳴  
還聽嗚咽水併切斷腸聲

戰城南

薊北馳胡騎城南接短兵雲屯兩陣合劍聚七星明  
旗交無復影角憤有餘聲戰罷披軍策還嗟李少卿

隴頭水



隴頭鳴四注 征人逐貳師 羌笛含流咽 胡笳雜水悲  
湍高飛轉駛 澗淺蕩還遲 前旌去不見 上路杳無期

又

隴頭流水急 流急行難渡 遠入隗囂營 傍侵酒泉路  
心交賜寶刀 小婦成純袴 欲知別家久 戎衣今已故

洛陽道

曾城啟旦扉 上洛滿春暉 柳影緣溝合 槐花夾岸飛  
蘇合彈珠罷 黃間負翳歸 紅塵暮不息 相看連騎稀

朱鷺

金堤有朱鷺 刷羽望滄瀛 周詩振雅曲 漢鼓發奇聲  
時將赤馬並 乍逐彩鸞行 別有翻潮處 異色不相驚

雉子斑

陳倉雉未飛 斂翮依芳甸 未冠色尚淺 錦臆毛初變  
雉麥且專場 排花聊勇戰 唯當渡弱水 不怯如臯箭

君馬黃

幽并重騎射 征馬正盤桓 風去長嘶遠 冰堅度足寒  
出關聊變色 上坂屢停鞍 即今隨御史 非復在樓蘭

又



五色乘馬黃追風時滅沒血汗染龍花胡鞍抱秋月  
唯騰渚注水不飲長城窟詎待燕昭王千金市駿骨

紫騮馬

將軍入大宛善馬出從戎影絕乾河上聲流入窟中  
似鹿猶疑草如龍欲向空須還十萬里試爲一追風

芳樹

奇樹舒春苑流芳入綺錢合歡分四照同心彰一作影  
萬年香浮佳氣裏葉應綵雲前欲識楊雄賦金玉滿  
甘泉

折楊柳

楊柳半垂空裊裊上春中枝踈董澤箭葉碎楚臣弓  
色映長河水花飛高樹風莫言限宮掖不閉長楊宮

梅花落

芳樹暎雲野發早覺寒侵落遠香風急飛多花逕深  
周人歎初標魏帝指前林邊城少灌木折此自悲吟



六朝詩彙卷之九十三

六朝詩彙卷之九十四

陳詩

張正見

對酒

當歌對玉酒  
匡坐酌金壘  
竹葉三清泛  
蒲萄百味開  
風移蘭氣入  
月逐桂香來  
獨有劉將阮  
忘情寄羽杯

怨詩

新豐妖冶地  
遊俠競嬌奢  
池臺間羅綺  
桃李雜煙霞  
葢影分連騎  
衣香合並車  
艷粉驚飛蝶  
紅粧映落花



舞衫飄冶袖歌扇掩團紗玉床珠帳卷金樓鏡月斜  
還疑蕭史鳳不及李倫家

山家閨怨

王孫春好遊雲鬢不勝愁離鴻暫罷曲別路已經秋  
山中桂花晚勿爲俗人留

應龍篇

應龍未起時乃在淵底藏非雲足不蹈舉則冲天翔  
譬彼野蘭草幽居常獨香清風播四遠萬里望芬芳  
隱居可願志自見焉得彰

輕薄篇

洛陽美年少朝日正開霞細蹠連錢馬傍趨首蓓花  
揚鞭還却望春色滿東家井桃映水落門柳雜風斜  
錦蠻弄青綺蛺蝶遶承華欲往飛廉館遙駐季輪車  
石榴傳瑪瑙蘭肴奠象牙聊持自娛樂未是鬪豪奢  
莫嫌龍馭晚扶桑復浴鷗

神仙篇

瀛洲分渤海閩苑隔虹蜺欲識三山路須尋千仞溪  
石梁雲外去蓬丘霧裏迷年深毀丹竈學久棄青泥



葛水留還杖天衢鳴去雞

又

六龍驤首起雲閣萬里一別何寥廓  
玄都府內駕青牛紫蓋山中乘白鶴  
潯陽杏花終難朽武陵桃花未曾  
落已見玉女笑投壺復睹仙童欣  
六博同甘玉文棗飲流霞藥鸞歌  
鳳舞集天台金闕銀宮相向開  
西望已令青鳥去東海還馭赤虬  
來魏武還車逢漢水荆王因夢識  
陽臺鳳蓋隨雲聊蔽日霓裳雜雨  
復垂雷神岳吹笙遙謝手當知福  
地有神才

有所思

深閨久離別積怨轉生愁  
徒思裂帛馬空上望歸樓  
看花憶塞草對月想邊秋  
相思日日度淚臉年年流

公無渡河

金堤分錦纜白馬渡蓮舟  
風嚴歌響絕浪湧傍人愁  
權拆桃花水帆橫竹箭流  
何言沉璧處千載偶陽侯  
置酒高殿上

陳王開甲第粉壁麗椒塗  
高窻侍玉女飛闥敞金鋪  
名香散綺幙石墨彫金鑪  
清醪稱玉饋浮蟻擅蒼梧



鄒嚴恒接武申白日相趨容與升階玉差池曳履珠  
千金一巧笑百萬兩鬟姝趙姬未鼓瑟齊客罷吹竽  
歌喧桃與李琴挑鳳將雛魏君慚舉白晉主愧投壺  
風雲更代序人事有榮枯長卿病消渴壁立還成都

泛舟橫大江

大江脩且闊揚舲度回磯波中畫鷁涌帆上錦花飛  
舟移歷浦月權舉濕春衣王孫客若遠詎待送將歸  
門有車馬客

飛觀霞光啓重門平旦開北闕高箱過東方連騎來

紅塵揚翠轂赭汗染龍媒桃花夾逕聚流水傍池回  
揖鞭聊靜電捐軫暫停雷非關萬里客自有六奇才  
琴和朝雉操酒汎夜光杯舞袖飄金谷歌聲遶鳳臺  
良時不可再騶馭鬱相催安知太行道失路車輪摧  
佳期竟不歸

良人萬里向河源倡婦三秋思柳園路遠寄詩空織  
錦宵長夢返欲驚鳧飛蛾屢繞帷前燭衰草還侵堦  
上玉銜啼拂鏡不成粧促柱繁弦還亂曲時分年移  
竟不歸偏憎寒急夜縫衣流螢映月明空帳踈葉從



風入斷機自對孤鸞向影絕終無一馬帶書飛

從軍從 此首星名

將軍定期邊刁斗出祁連高柳橫遙塞長榆接遠天  
井泉含凍竭烽火照山然欲知客心斷危旌萬里懸

又

胡兵屯薊北漢將起山西故人輕百戰聊欲定三齊  
風前噴盡角雲上舞飛梯馬塞秋聲遠龍沙雲路迷  
燕然自可勒函谷詎須泥

艷歌行

城隅上朝日斜暉照杏梁併倦菜萸帳爭移翡翠牀  
綵環聊向牖拂鏡且調粧裁金作小靨散麝起微黃  
二八秦樓婦三十侍中郎執戟超丹地豐貂入建章  
未安文史閣獨結少年場彎弧貫葉影學劍動星芒  
翠蓋飛城曲金鞍橫道傍調鷹向新市彈雀往睢陽  
行行稍有極暮暮歸蘭房前瞻富羅綺左顧足鴛鴦  
蓮舒千葉氣燈吐百枝光滿酌胡姬酒多燒荀令香  
不學幽閨妾生離怨採桑

飲馬長城窟行



秋草朔風驚飲馬出長城群驚還怯飲地險更宜行  
傷冰飲凍足畏令急寒聲無因度吳坂方復入羗城

長安有狹斜行

少年重遊俠長安有狹斜路窄時容馬枝高易度車  
簷高同落照巷小共飛花相逢夾繡轂借問是誰家

煌煌京洛行

千門儼西漢萬戶擅東京凌雲霞上起鳩鵲月中生  
風塵暮不息簫笳夜恒鳴唯當賣藥處不入長安城

前有一尊酒行

前有一尊酒主人行壽今日合來坐者當今皆富且  
壽欲令主人三萬歲終歲不知老爲吏當高遷買市  
得萬倍桑蠶當大得主人宜子孫

晨雞高樹鳴 雜體

晨雞振翮鳴出迥擅竒聲蜀郡隨金馬天津應玉衡  
摧冠驗遠石擊火出連營爭棲斜揭暮解翼橫飛度  
試飲淮南藥翻上仙都樹枝低且候潮葉淺還承露  
觸嚴霜華淺伺朝陽不見猜群怯寶劍勇戰出花塲  
當損黃金距誰論白玉璫豈知長鳴逢晉帝恃氣遇



周王流名說魯國分影入陳倉不復愁符朗猶能感  
孟嘗

賦得韓信

淮陰總漢兵燕齊擅遠聲沈沙擁急水拔幟上危城  
野有千金報朝稱三傑名所悲雲夢澤空傷狡兔情

賦得山卦名

蓬萊遁羽客巖穴轉朦朧雲歸仙井暗霧解石橋通  
影帶臨峯鶴形隨雜雨風尋師不失路咸欲馭飛鴻  
賦得落落窮巷士

揚雲不邀名原憲本遺榮草長三徑合花發四隣明  
塵隨幽巷靜嘯逐遠風清門外無車轍自可絕公卿

賦得日中市朝滿

雲閣綺霞生旗亭麗日明塵飛三市路蓋入九重城  
竹葉當鑪蒲桃花帶綬輕唯見爭名利安知大隱情

賦得薄帷鑒明月

長河上月桂澄彩照高樓分簾疑碎壁隔幔似重鈎  
窻外光恒滿帷中影暫流豈及西園夜長隨飛蓋遊  
賦得風生翠竹裏



金風起燕觀翠竹交梁池翻花疑鳳下颺水似龍移  
帶露依深葉飄寒入勁枝聊因萬籟響詎待伶倫吹

賦得浦狹村烟度

茅蘭夾兩岸野燎燭中川村長橫夜影水狹度浮煙  
收光暗鳥弋分日照漁船山人不炊桂樵葉幸同然

賦得玄圃觀春雪

同雲遙映嶺瑞雪近浮空拂鶴伊川上飄花桂苑中  
影麗重輪月飛隨團扇風還取長歌處帶袖舞春風

賦得秋河曙耿耿

耿耿長河曙濫濫宿雲收天路橫秋水星橋轉夜流  
月下姮娥落風驚織女秋德星猶可見仙槎不復留

賦得白雲臨酒

白雲蓋濡水流彩入澗川疎葉臨稽竹輕鱗入鄭船  
菊泛金枝下峯斷玉山前一朝開五色飄飄映十千

賦得雪暎夜舟

黃雲迷鳥路白雪下鳧舟分沙暎水浦照鶴聚寒流  
檣風吹影落纜錦雜花浮船梁若是桂翻如月照秋

賦得威鳳棲梧桐



丹山下威鳳來集帝梧中欲舞春花落將飛秋葉空  
影照龍門水聲入洞庭風別有將雛曲翻更合絲桐

賦得寒樹晚蟬疎

寒蟬噪楊柳朔吹犯梧桐葉迥飛難住枝殘影共空  
聲踈飲露後唱絕斷絃中還因搖落處寂寞盡秋風

賦得垂柳映斜谿

千仞清溪險三陽弱柳垂葉細臨湍合根空帶石危  
風翻夾浦絮雨濯倚流枝不分梅花落還同橫笛吹

賦得魚躍水花生

漾色桃花水相望濯錦流躍浦疑珠出依池似鏡浮  
凌波銜落盡觸餌避沉鈎方遊蓮葉外詎入武王舟

賦得蘭生野逕

披襟出蘭畹命酌動幽心鋤罷還開路歌喧自動琴  
華燈共影落芳杜雜花深莫言閒逕裏遂不斷黃金

賦得階前嫩竹 七言

翠竹稍雲自結叢輕花嫩筍欲凌空砌曲橫枝屢解  
箨階前疎葉強來風欲知抱節成龍處當於山路葛

度中



賦得山中翠竹 一作蕭放

脩竹映巖垂來風異夾池復澗藏高節重林隱勁枝  
雲生龍未上花落鳳將移莫言棲嶰谷伶倫不復吹  
賦得岸花臨水發

奇樹滿春洲落蓋映江浮影間蓮花石光涵濯錦流  
漾色隨桃水飄香入桂舟別有仙潭菊含芳獨向秋

採桑

春樓曙鳥驚蠶妾候初晴迎風金珥落向日玉釵明  
徒顧移籠影攀鈎動釧聲葉高知手弱枝軟覺身輕

人多羞借問年少怯逢迎恐疑夫壻遠聊復答專城

六朝詩彙卷之九十四



六朝詩彙卷之九十五

陳詩

周弘正

學中早起聽講

詰朝參下座閒步出重闈北堂月稍隱南枝鶴已飛  
早霜垂藹藹初霧上霏霏巖唱雖罷柝高門尚掩扉  
既傷年緒促復嗟心事違平生愛山海宿昔持精微  
未解輕身去唯應下第歸

詠石鯨應詔



石鯨何壯麗獨在天池陰  
騫鰭類橫海半出似浮深  
吞航本無日吐浪亦難尋  
聖帝遊靈沼能懷躍藻心

入武關

武關設地險遊客好迴迴  
將軍天上落童子棄繻來  
揮汗成雲雨車馬颺塵埃  
雞鳴不可信未曉莫先開

還草堂尋處士弟

四時一作歲時易荏苒百齡倏將半  
故老多零落山僧盡凋散  
宿樹倒為楂舊水侵成岸  
幽尋屬令弟依然歸舊館  
感物自多傷况乃春鶯亂

看新婚

莫愁年十五來聘子都家  
壻顏如美玉婦色勝桃花  
帶啼疑暮雨含笑似朝霞  
暫却輕紈扇傾城判不賒  
隴頭送征客

詠歌人偏得日照詩

朝霜侵漢草流沙度隴飛  
一聞流水曲去住兩沾衣  
斜光入丹扇的的最分明  
欲持照彫拱仍作繞梁聲

詠老敗鬪雞

少壯摧雄敵  
眇視生猜忌  
一隨年月衰  
摧頽落毛駛



閒觀春光滿東郊草色異無復先鳴力空餘擅場意  
長安詠馬

南思洞庭水北想鴈門關稻梁俱可戀飛去復飛還  
詠班竹掩團扇

齊紈將楚竹從來本相遠將申湘女悲宜並班姬怨  
陸瓊

和張湖熟電 四言

惟微動羽惟陰脅陽雨水作沴凝氣為祥

閔山月 五言

邊城與明月俱在關山頭焚烽望別壘擊斗宿危樓  
團團婕妤扇織織秦女鈎鄉園誰共此愁人屢益愁

梁甫吟

臨淄佳麗地年少習名倡似笑脣朱動非愁眉翠揚  
掩抑隨竿轉和柔會瑟張輕扇屢迴指飛塵亟繞梁  
寄言諸葛相此曲作難忘

玄圃宴各詠一物得箏

三五并時年二八共來前今逢泗濱樹定減琴中絃  
鶴別霜初繁烏啼月正懸



飲酒樂

六言樂府詩集作還臺樂

蒲萄四時芳醇瑠璃千鍾舊賓夜飲舞遲銷燭朝醒  
絃促催人春風秋月恒好驩醉日月言新

長相思

雜體

長相思久離別一罷鴛文綺薦絕鴻已去柳堪結室  
冷鏡疑冰庭幽花似雪容貌朝朝改書字看看滅

吳思玄

閨怨

金風響洞房佳人心自傷淚隨明月下愁逐漏聲長

燈前羞獨鵲枕上怨孤鳳自覺鴛帷冷誰憐珠被涼

顧野王

有所思

賤妾有所思良人久征戍笳鳴塞表城花開落芳樹  
白登澄月色黃龍起煙霧還聞雉子班非復長征賦

芳樹

上林通建章雜樹遍林芳日影桃溪色風吹梅逕香  
幽山桂葉落馳道柳條長折榮疑路遠用表莫相忘

陽春歌



春草正芳菲重樓成曙扉銀鞍俠客至柘彈婉童歸  
池前竹葉滿井上桃花飛薊門寒未歇爲斷流黃機

長安道

鳳樓臨廣路僊掌入煙霞章臺京兆馬逸陌富平車  
東門疏廣錢北關董賢家渭橋縱觀罷安能訪狹斜  
隴頭水

隴底望秦川迢遞隔風煙蕭條落野樹幽咽響流泉  
瀚海波難息交河水未堅寧知蓋山水逐節赴危絃

羅敷

東隅麗春日南陌採桑時樓中結梳罷提筐候早期  
風輕鶯韻緩露重落花遲五馬光長陌千騎絡青絲  
使君徒遣信賤妾畏鸞鏡

豔歌行

夕臺行雨度朝梁照日輝東城採桑還南市數錢歸  
長歌挑碧玉羅塵笑洛妃欲知歡未盡棲鳥已夜飛

又七言

齊倡趙女盡妖妍珠簾玉砌併神仙莫笑人來最落  
後能使君恩得度前豈知洛渚羅塵步詎減河天秋



夕渡妖姿巧笑能傾城那思他人不憎妬蓮花藻井  
推芰荷採菱妙曲勝陽阿

其三 雜體

燕姬妍趙女麗出入王宮公主第倚鳴瑟歌未央調  
弦八九弄度曲兩三章唯欣春日永詎愁秋夜長歌  
未央倚鳴瑟輕風飄落葢翡翠巢蘭室結羅帷翫朝  
日窓開翠幔卷粧罷金星出爭攀四照花競戲三條  
術

王嗟

洛陽道

洛陽夜漏盡九重平日開日照蒼龍闕煙遶鳳凰臺  
浮雲翻似蓋流水倒成雷曹王闔雞返潘仁載果來

折楊柳

塞外無春色上林柳已黃枝影侵營暗葉彩亂星光  
陌頭藏戲鳥樓上掩新粧攀折思爲贈心期別路長

長相思 雜體

長相思久離別兩心同憶不相徹悲風悽愁雲結柳  
葉眉上銷菱花鏡中滅馬封歸飛斷鯉素還流絕



謝燮

明月子 五言

杪秋之遙夜明月照高樓登樓一迴望望見東一作南  
陌頭故人耿千里言別歷九秋相思不相見望望空  
離憂

雨雪曲

朔邊昔離別寒風復凄切  
我我六尺冰飄飄千里雪  
未塞袁安戶行封蘓武節  
應隨隴水流幾過空嗚咽

方諸曲 雜體

望仙室仰雲光繩河裏扇月傍  
井公能六著玉女善  
投壺瓊醴和金液還將天地俱

隴頭水

隴阪望咸陽征人慘思腸  
咽流喧斷岸遊沫聚飛梁  
鳧分斂水彩虹飲照旗光  
試聽鏡歌曲唯吟君馬黃

早梅

迎春故早發獨自不疑寒  
畏落衆花後無人別意看

徐伯陽

皇太子釋奠頌 四言



穆穆皇儲戔戔副王道尊上宅德崇監撫春誦夏絃  
冬書秋羽漢召趨幄周朝問豎翔集禮闈逍遙義府  
四海無浪三階已平儲駕戾止和鸞有聲弘風講肆  
崇儒肅成丹書貴道黃金賤籛洙泗興業閭室增榮  
青僊陰市玄冕飛

遊鍾山開善寺

聊追鄴城友躡步出蘭宮法侶殊人世天花異俗中  
鳥聲不測處松吟未覺風此時超愛網還復洗塵蒙

日出東南隅行

七言

朱城璧日啟朱扇青樓含照本暉暉遠映陌上春桑  
葉斜入秦家細綺衣羅敷粧粉能佳麗鏡前新梳倭  
隨髻圓籠裊裊桂青絲鐵鈎冉冉勝丹桂蠶饑日晚  
甃生愁忽逢使君南陌頭五馬停珂遣借問雙臉含  
嬌特好羞妾壻府中輕小吏即今來往專城裏欲識  
東方千騎歸藹藹日暮紅塵起

吳尚野

詠鄰女樓上彈琴

青樓誰家女開窻弄碧絃貌同朝日麗粧競午花然



一彈哀塞馬再撫哭春鶻此情人不會東風千里傳  
岑之敬

對酒

色映臨池竹香浮滿砌蘭舒文泛玉盃漾蟻溢金盤  
簫曲隨鸞易笳聲出塞難唯有將軍酒川上可除寒  
洛陽道  
喧喧洛水濱鬱鬱小平津路傍桃李節陌上採桑春  
聚車看衛玠連手望安仁復有能留客莫愁嬌態新

折楊柳

將軍始見知細柳繞營垂懸絲拂城轉飛絮上宮吹  
塞門交度葉谷口暗橫枝曲成攀折處唯言怨別離

烏棲曲

驄馬直去沒浮雲河渡冰開兩岸分烏蔽日暗行人  
息空棲隻影長相憶明月二八照花新當壚十五晚  
留賓

賀澈

賦得爲我彈鳴琴

薄暮高堂上調琴召美人伯喈聲未盡司馬曲猶新



點徽還轉弄亂爪更留賓聊持一弦響雜起豔歌塵  
長笛吐清氣

胡關氛霧侵羗笛吐清音韻切山陽曲聲悲隴上吟  
柳折城邊樹梅舒嶺外林方知出塞虜不憚武溪深

採桑

蠶妾出房櫳結伴勝花叢度水春衫綠映日晚粧紅  
釧聲時動樹衣香自入風鈎長嫩枝曲葉盡細條空  
競採須盈手爭歸欲滿籠自憐公府步誰與少年同

華亭鶴

初學記作孔德紹

華亭失侶鶴乘軒寵遂終三山凌苦霧千里激悲風  
心危白露下聲斷綵雲中何言斯物變翻覆似遼東

徐湛

玉臺作徐湛

班去趙姬升

班姬與飛燕俱侍漢王宮不意恩情歇偏將衰草同  
香飛金輦外苔上玉階中今日悲團扇非是為秋風

傳緯

天馬引

驄色表連錢出冀復來燕取用偏開地為歌乃號天



權竒意欲遠蹀躞勢難前本珍白玉鐙因飾黃金鞭  
願酬芻秣寵千里得千年

採桑

羅敷試採桑出入城南旁綺居映珠珥綵籠一作提  
玉筐度身攀葉聚竦腕及枝長空勞使君問自有侍  
中郎

雜曲 七言

新人新寵住蘭堂翠帳金屏玳瑁床  
叢星不如珠簾已度月還如一作似粉壁光從來並名推趙子復有丹

脣發皓齒一嬌一態本難逢如畫如花定相似樓臺  
宛轉曲皆通弦管逶迤徹下風此殿笑語恒長共傍  
省歡娛不復同訝許人情太厚薄分恩賦念能斟酌  
多作繡被爲鴛鴦長弄綺琴憎別鶴人今投寵要須  
堅會使歲寒恒度前共取辰星作心抱無轉無移千  
萬年

周弘讓

陳太廟舞歌

凱容舞



步兵堂

於赫皇祖宮墻高嶷邁彼厥初成茲峻極縵樂簡簡  
闕寢翼翼裸饗若存惟靈靡測

正員室

昭哉上德浚彼洪源道光前訓慶流後昆神猷綿邈  
清廟斯存以享以祀惟祖是尊

懷安室

選辰崇饗飾禮嚴敬靡愛牲牢蕪馨粢盛明明列祖  
龍光遠映肇我王風形斯舞詠

成安室

道遙積慶德遠昌基永言祖武致享從思九章停列  
八舞廻墀靈其降止百福來綏

太常室

肇迹締基義標鴻篆恭惟載德瓊源方闡享薦三清  
進陳四璉增我堂構式敷帝典

景德凱容舞

景帝室

皇祖執德長發其祥顯仁藏用懷道韜光寧斯闕寢





原件短缺

P13-P14



合此蕭薌永昭貽厥還符剪商

武德舞

武帝室

烝哉聖祖撫運升離道周經緯功格玄祇方軒邁扈  
比舜陵媯緝熙是詠欽明在斯雲雷邁屯圖南共舉  
大定揚越震威衡楚四奧宅心九疇還叙景星出翼  
非雲入呂德暢容辭慶昭羽綴於穆清廟載揚徽烈  
嘉玉旣陳豐盛斯絜是將是享鴻猷無絕

春夜醮五岳圖文

阮卓

蓮下遊魚

春色映澄陂涵冰且相隨未上龍門路聊戲芙蓉池  
觸浪蓮香動乘流葉影披相忘自有樂莊惠豈能知

黃鵠一遠別 七言

霜風秋月映樓明寡鶴偏棲中夜驚月下徘徊顧別  
影風前悽斷送離聲離聲一去斷還續別響時來踈  
復促聊看遠客贈綾紋彌怨閒宵雅琴曲怕思昔日  
稻梁恩理翮整翰上君軒獨舞輕飛向吳市孤鳴清



卷九十五  
五  
吟出雷門王子吹笙忽相值自覺飄飄雲裏駛一舉  
千里未能歸唯有田饒解深意

詠風

高風應爽節搖落漸疎林吹霜旅鴈斷臨谷曉松吟

屢惜

一作棄

涼秋扇常飄清夜琴冷冷隨列子彌諧逸

豫心

關山月

關山凌漢開霜月正徘徊暎林如壁碎侵色似輪摧  
楚師隨晦盡胡兵逐暖來寒笳將夜鵲相亂晚聲哀

長安道

長安馳道上鍾鳴宮寺開殘雲銷鳳闕宿霧斂章臺  
騎轉金吾度車鳴丞相來藹藹東都晚郡公駟御回

賦詠得魯連

魯連有高趣意氣本相求笑罷秦軍卻書成燕將愁  
聊棄南金賞方從滄海遊寄言人世客非君能見留

蕭詮

巫山高

巫山映巫峽高高殊未窮猿聲不辨處雨色詎分空



懸崖下桂月深澗響松風別有仙雲起時向楚王宮  
賦得往往孤山映

青山照落暉映遠望連飛仙峯看玉筍關路視金微  
鼓吹聲疑盡香爐煙覺稀共君臨水別勞此送將歸  
賦得夜猿啼

桂月影纜通猿鳴迴入風隔巖還嘯侶臨潭自響空  
挂簾疑欲飲吟枝似避弓別有三聲淚霑裳竟不窮

詠銜泥雙燕

卸泥金屋外表瑞玉筐中學飛疑漢妾巢幕憚吳宮

爪截還猶短窠成新尚空詎並零陵石飛舞逐春風

賦娜娜當軒織七言

東南初日照秦樓西北織婦正嬌羞綺窓猶垂翡翠  
幌珠簾半上珊瑚鈎新粧入機映春牖弄杼鳴梭挑  
織手何曾織素讓新人不掩流蘓稚中婦三日五匹  
未言遲衫長腕弱繞輕絲綾中轉躡成離鵲錦上迴  
文作別詩不惜紈素同霜雪更傷秋扇篋中辭

賀力牧

關山月



重關歛暮烟明月下秋前照石疑分鏡臨弓似引絃  
霧暗迷旗影霜濃濕劍蓮此處離鄉客遙心萬里懸

亂後別蘇州人

徘徊睇閭闔悵望極姑蘇慨矣嗟荒運悲哉惜霸圖  
子常終覆郢宰懿遂亡吳石墮星方暗山崩川自枯  
周京摧棧樓漢社落枌榆宮毀無巢鷺城空餘樂鳥  
茲邦號端委多士自相趨照無同燕石光車等魏珠  
言離已惆悵念別更踟躕若訪任公子求余東海隅  
六朝詩彙卷之九十五

六朝詩彙卷之九十六

陳詩

劉刪

採藥遊名山

名山本鬱盤道士貴黃冠獨馭千年鶴來尋五色丸  
石床新溜乳金竈欲成丹定知無二價非復在長安

汎宮亭湖

迴艦乘派水舉帆逐分風滉漭疑無際飄颺似度空  
檣烏排鳥路船影沒河宮孤石滄波裏匡山苦霧中



寄謝千金子安知萬里蓬

賦得蘓武

奉使窮沙漠收淚上河梁食雪天山近思歸海路長  
繫書秋待馬握節暮看羊因思李都尉還漢不相忘  
侯司空宅詠妓詩

石家金谷妓粧罷出蘭閨看花只欲笑聞瑟不勝啼  
山邊歌落日池上舞前溪將人當桃李何處不成蹊

賦得馬

獨飲臨寒窟離群思北風陳王欲觀舞御史自隨驄

邊聲隕客淚果下益桃紅恒持沛艾影解向平陵東

詠蟬

聲流上林苑影入侍臣冠得飲玄天露何辭高柳寒

松上輕蘿

葉繞千年蓋條依百尺枝屬與松風動時將薜影垂  
學帶非難結爲衣或易披山河若近遠獨自楚人知

詠青草

雨淋三春葉風傳十步香映袍憐色重臨書喜帶長  
賦得獨鶴凌雲去



孤鳴思滄海矯翮避虞機怨別凄琴曲凌風散舞衣  
五里雖廻顧千年會欲歸寄語雷門鼓無復一雙飛

李爽

山家閨怨

山中多早梅荆扉達曙開竹中君自折荷衣誰爲裁  
行雲無處所人住在陽臺

賦得芳樹

芳樹千株發搖動三陽時氣軟來風易枝繁度鳥遲  
春至花如錦夏近葉成帷欲寄邊城客路遠詎能持

蘇子卿

南征

一朝遊桂水萬里別長安故鄉夢中近邊愁酒上寬  
劍鋒但湏利戎衣不畏單江南地氣暖少婦早愁寒

朱鷺

玉山一朱鷺萬里入王畿欲向天池飲還繞上林飛  
金隄曬羽翮丹水浴毛衣非貪葭下食懷恩自遠歸

艾如張

誰在閒門外羅家諸少年張機蓬艾側結網槿籬邊



若能飛自免豈爲繒所纏黃雀儻爲誠朱絲猶可延

梅花落

中庭一樹梅寒多葉未開祇言花似雪不悟有香來  
上郡春恒晚高樓年易催織書偏有意教逐錦文回

殷謀

日出東南隅行

秦樓出佳麗正值朝日光陌頭能駐馬花處復添香

杜之松

敬和衛尉于卿柳

漢將本屯營遼河有戍城大夫嘗取姓先生曾得名  
高枝拂遠鴈踈影度遙星不辭攀折苦爲入管絃聲

蔡凝

賦得處處春雲生

春色遍空明春雲處處生入風依暫斂隨車蓋轉輕  
作葉還依樹爲樓欲近城含愁上對影似有別離情

何胥

賦得待詔金馬門

漢家一統軌濟濟萬國朝飛纓拂曉霧輕輦逐晨飈



槐衢映綠絳日彩麗金貂此時參待詔誰復想漁樵  
褚玠

聞雞東郊道

春郊聞雞侶捧敵兩逢迎詭群排袖出帶身向場驚  
錦毛侵距散芥羽雜塵生還同戰勝罷耿介寄前鳴

孔範

賦得白雲抱幽石

白雲浮遠蓋飄飄繞石飛帶蓮縈錦色拂鏡下仙衣  
陣結香爐隱羅成玉女微能感荆玉夢陽臺雜雨歸

和陳主詠鏡

虎賁愁興日龍鏡覽顏時懷恩未得報空嘆髮如絲

張正得

賦秋蟬唱柳應衡陽王教

秋氣寫遙天園柳集驚蟬競噪長枝裏爭飛落葉前  
風高知響急樹近覺聲連長楊流唱盡詎識蔡邕絃

岑德潤

賦得臨堦危石

當堦聳危石殊狀實難名帶山疑似獸侵波或類鯨



雲峯臨棟起蓮影入簷生楚人終不識徒自蘊連城  
詠灰  
圖規暈不缺氣改律還虛欲燃秋獄吏棄道畏刑書  
未得逢彊陣輕舉欲焉知

雞鳴篇

鍾響應繁霜晨雞錦臆張簾迴猶侵露枝高已映光  
排空下朝揭奮翼上花塲雨晦思君子關開晚孟嘗  
既得依雲外安用集陳倉

魚

劍影侵波合珠光帶水新蓮東自可戲安用上龍津

蔡君知

君馬黃

君馬經西極臣馬出東方足策浮雲影珂連明月光  
水凍恒傷骨蹄寒為踐霜躊躇嗟伏擬空想欲從良  
賀循

賦得庭中有奇樹 七言

三春節物始芳菲遊絲細草動春暉香風颺舞花間  
度好鳥和鳴枝上飛臨池間竹偏增綠綠階映雪紛



如玉溫室庭前竟不言鼓吹樓中能作曲曾聞遠別  
舊難思攀折會取贈佳期長條本自堪爲帶密葉由  
來好作惟星稀漢轉月輪明徘徊夜鵲屢相驚欲識  
幽人蘭杜逕山窻芳桂復叢生

賦得夾池脩竹

綠竹影參差歲蕤帶曲池逢秋葉不落經寒色詎移  
來風韻晚逕集鳳動春枝所欣高蹈客未待伶倫吹

陳暄

雨雪曲

都尉出祁連雨雪滿雞田雕陵持抵鵲屬國用和龜  
冰合軍應渡樓寒烽未然花迷差未著踈勒復經年

洛陽道

洛陽九達上羅綺四時春路傍避驄馬車中看玉人  
鎮西歌豔曲臨淄逢麗神欲知雙璧價潘夏正連茵

長安道

長安開綉陌三條向綺門張敞車單馬韓嫣乘副軒  
寵深來借殿功多競買園將軍夜夜返絃歌著曙暄

紫駟馬



天馬汗如紅鳴鞭度九巖飲傷城下凍嘶依北地風  
笳寒芳樹歇笛怨柳枝空橫行意未已羞住轂車中

陸瑜

仙人覽六著篇

九仙會歡賞六著且娛神戲谷聞餘地銘山憶舊秦  
避敵情思巧論兵勢重新問取南皮夕還笑拂棊人

東飛伯勞歌

七言

西王青鳥秦女鸞姁娥婺女慣相看誰家玉顏窺上  
路粉色衣香雜風度九重樓檻芙蓉華四隣照鏡菱  
菱花新收年幾纔三五隱幔藏羞臨網戶然香氣歇  
不飛煙空留可憐年一年

獨酌謠

獨酌謠芳氣饒一傾蕩神慮再酌動神飈忽逢鳳樓  
下非待鸞弦招窓明影乘入人來香逆飄杯隨轉態  
盡釧逐畫杯提桂宮非蜀郡當鑪也至宵

孔燾

詠七

成年歌吹日顧步惜容儀一朝衰朽至星星白髮垂



遊栖霞寺

廣弘明集作和江令遊虎窟山寺

聖情想區外  
脂駕出西南  
前驅聞鳳管  
後乘躍龍驂  
爰遊非逸豫  
幽谷有靈龕  
兼覲息心者  
宴坐臨清潭  
禪食寧須稼  
雲衣不待蠶  
蘋荇緣澗壑  
蘿葛蔓松楠  
鶯林響初囀  
春畦藥欲含  
惑心隨教遣  
法味與恩覃  
度憑八解力  
永滅六塵貪

李燮

紫騮馬

紫騮忽踟躕  
紅塵起路隅  
園人移首宿  
騎士逐麋蕪

三邊追黠虜  
一鼓定強胡  
安用珂爲玉  
自有汗成珠

獨孤嗣宗

紫騮馬

倡樓望早春  
寶馬度城闈  
照耀桃花迳  
蹀躞採桑津  
金羈麗初景  
玉勒染輕塵  
遠聽珂聲急  
猶是畫眉人

江暉

雨雪曲

邊城風雪至  
客子自心悲  
風哀笳弄斷  
雪暗馬行遲  
輕生本爲國  
重氣不關私  
恐君猶未信  
撫劍一揚眉



劉生

五陵多美選六郡盡良家  
劉生代豪蕩標舉獨榮華  
寶劍長三尺金樽滿百花  
唯當重意氣何處有驕奢

伏知道

詠人娉妾仍逐琴心

春色轉相催佳人心自迴  
長卿琴已弄秦嘉書未來  
挂冠易分綬薦枕缺因媒  
染香風卽度登垣花正開  
貞樓若高下何如上陽臺

賦得招隱

招隱訪仙楹丘中琴正鳴  
桂叢侵石路桃花隔世情  
薄暮安車近林喧山鳥驚

從軍五更轉五首

一更刁斗鳴校尉連連城  
遙聞射鵰騎懸憚將軍名

其二

二更愁未央高城寒夜長  
試將弓學月聊持劍比霜

其三

三更夜氣新橫吹獨吟春  
強聽梅花落誤憶柳園人

其四



四更星漢低落月與雲齊依稀北風裏胡笳雜鳥嘶

其五

五更催送籌曙色映山頭城烏初起堞更人悄一作笑

下樓

六朝詩彙卷之九十六

精晴晴香觀

唐詩集卷之九十六



